

Utusan Malaysia September 2018

Bil.	Tarikh	Tajuk Berita	Catatan	Muka Surat
1.	5 September 2018	Pegawai kanan JPJ Perlis direman lima hari	Suruhanjaya Pencegahan Rasuah Malaysia (SPRM)	3
2.	5 September 2018	Kemuka pernyataan palsu, pengarah syarikat dijel sehari, denda RM1 juta	Suruhanjaya Pencegahan Rasuah Malaysia (SPRM)	4
3.	5 September 2018	16 termasuk penguat kuasa ditahan kerana rasuah	Suruhanjaya Pencegahan Rasuah Malaysia (SPRM)	6
4.	11 September 2018	Anggota polis ditahan reman kes rasuah RM4,000	Suruhanjaya Pencegahan Rasuah Malaysia (SPRM)	7
5.	12 September 2018	SPRM tahan koperal terima rasuah RM10,000	Suruhanjaya Pencegahan Rasuah Malaysia (SPRM)	8
6.	12 September 2018	SPRM bertemu Daim, siasat dakwaan transaksi tanah meragukan	Suruhanjaya Pencegahan Rasuah Malaysia (SPRM)	9
7.	13 September 2018	43 transaksi penjualan tanah Kementerian Wilayah diteruskan	Suruhanjaya Pencegahan Rasuah Malaysia (SPRM)	10
8.	14 September 2018	Muhammad Shafee diikat jamin RM1j Tidak mengaku salah atas empat pertuduhan	Suruhanjaya Pencegahan Rasuah Malaysia (SPRM)	12
9.	14 September 2018	Siasat projek kondominium	Suruhanjaya Pencegahan Rasuah Malaysia (SPRM)	15
10.	15 September 2018	Synergy Promenade tidak teragak-agak ambil tindakan terhadap Felda	Timbalan Ketua Pesuruhjaya (Operasi) Suruhanjaya Pencegahan Rasuah Malaysia (SPRM), Datuk Seri Azam Baki	17
11.	19 September 2018	Najib ditahan SPRM, akan didakwa esok	Suruhanjaya Pencegahan Rasuah Malaysia (SPRM)	20
12.	20 September 2018	Terima suapan: Pengurus ladang ditahan reman	Suruhanjaya Pencegahan Rasuah Malaysia (SPRM)	22
13.	27 September 2018	Rasuah: Abdul Azeez, abang serta sepupu direman empat hari	Suruhanjaya Pencegahan Rasuah Malaysia (SPRM)	23
14.	29 September 2018	Abdul Azeez, abang direman 6 hari lagi	Suruhanjaya Pencegahan Rasuah Malaysia (SPRM)	25

Bil.	Tarikh	Tajuk Berita	Catatan	Muka Surat
15.	29 September 2018	Abdul Azeez, abangnya direman enam hari lagi	Suruhanjaya Pencegahan Rasuah Malaysia (SPRM)	27
16.	29 September 2018	Lapan individu termasuk enam pegawai Imigresen direman empat hari	Suruhanjaya Pencegahan Rasuah Malaysia (SPRM)	29
17.	30 September 2018	Adik Abdul Azeez tidak dibenar keluar negara	Suruhanjaya Pencegahan Rasuah Malaysia (SPRM)	30

5 September 2018

1. Pegawai kanan JPJ Perlis direman lima hari

ENAM orang terdiri daripada dua pegawai JPJ, kerani kewangan PDRM, dua ejen dan seorang kerani syarikat insuran diiringi pegawai Suruhanjaya Pencegahan Rasuah Malaysia (SPRM) selepas mendapatkan perintah tahanan reman empat hingga lima hari untuk siasatan selepas disyaki menerima rasuah mengeluarkan lesen memandu, insuran dan bayaran saman tanpa melalui prosedur sepatutnya di Kompleks Mahkamah Pulau Pinang sini, hari ini.

PULAU PINANG 5 Sept. - Seorang pegawai kanan Jabatan Pengangkutan Jalan (JPJ) Perlis merupakan antara yang direman lima hari di Mahkamah Majistret di sini pagi ini bagi membantu siasatan kes rasuah.

Perintah berkenaan turut dikeluarkan Majistret, Muna Maria Azmi terhadap seorang ejen insurans dan seorang kerani wanita sebuah syarikat swasta.

Menurut sumber Suruhanjaya Pencegahan Rasuah Malaysia (SPRM) negeri, kesemua mereka dipercayai terlibat memberi dan menerima rasuah bagi menyelesaikan saman, prosedur keselamatan jalan raya dan pemalsuan lesen memandu.

Turut direman seorang pegawai JPJ Perak bersama ejen insurans manakala seorang kerani wanita berusia 39 tahun yang bertugas di Ibu Pejabat Polis Daerah (IPD) Barat Daya direman selama empat hari.

Sementara itu, Pengarah SPRM negeri, Datuk Wan Ramli Wan Abdullah mengesahkan penahanan kesemua mereka dalam beberapa operasi di sekitar negeri ini, Kedah, Perak, Selangor dan Sabah.

5 September 2018

2. Kemuka pernyataan palsu, pengarah syarikat dijel sehari, denda RM1 juta

HAIRUZAKI MOHAMAD YUNUS didenda RM1 juta dan penjara sehari selepas mengaku bersalah mengemukakan pernyataan palsu berhubung projek teknologi maklumat dan komunikasi (ICT) lapan tahun lalu di Mahkamah Sesyen Kuala Lumpur hari ini

KUALA LUMPUR 5 Sept. - "Saya harap kamu mendapat pengajaran dengan apa yang terjadi, kamu ada prospek yang baik dalam perniagaan namun kamu telah mensia-siakan peluang tersebut.

"Sedangkan jumlah yang telah dibayar kepada kamu sudah banyak dan memadai tetapi kamu memilih untuk membuat kesalahan ini. Ini bukan sahaja memberi kesan kepada kamu bahkan kepada keluarga kamu juga."

Demikian nasihat seorang Hakim Mahkamah Sesyen di sini hari ini sebelum menjatuhkan hukuman penjara sehari dan denda RM1 juta terhadap seorang pengarah syarikat komputer dan teknologi maklumat (IT) atas kesalahan mengemukakan pernyataan palsu berhubung pembayaran projek teknologi maklumat dan komunikasi (ICT), lapan tahun lalu.

Hakim Azura Alwi menjatuhkan hukuman tersebut selepas Hairuzaki Mohamad Yunus, 40, mengaku bersalah atas pertuduhan memberi kepada Timbalan Setiausaha Bahagian Pengurusan Dana, Suhaimi Hamzah dengan niat hendak memperdayakan mangsa iaitu satu set dokumen 'Project Spending Summary, Network Vulnerability Assessment Tools (NVAT)' yang mengandungi butiran palsu mengenai tuntutan bayaran berjumlah RM200,000 bagi perbelanjaan projek tersebut.

Sedangkan tiada perbelanjaan seperti yang telah dinyatakan itu telah dilakukan di pejabat Seksyen Pengurusan Dana, Kementerian Sains Teknologi dan Inovasi (Mosti), aras 3, Blok C5, Kompleks C, Pusat Pentadbiran Kerajaan Persekutuan, Putrajaya pada 2 Mac 2010.

Dia didakwa mengikut Seksyen 18 Akta Suruhanjaya Pencegahan Rasuah Malaysia (SPRM) 2009 dan boleh dihukum di bawah Seksyen 24(2) akta sama yang memperuntukkan hukuman penjara maksimum 20 tahun serta denda tidak kurang lima kali ganda atau RM10,000 mengikut mana-mana yang lebih tinggi.

Terdahulu, Timbalan Pendakwa Raya dari SPM, Nor Diana Nor Azwa memohon hukuman berbentuk pengajaran atas alasan kesalahan yang dilakukan adalah serius selain mengambil kira kerugian yang dialami.

Hairuzaki yang tidak diwakili peguam pula merayu hukuman ringan kerana perlu menanggung isteri yang tidak bekerja dan dua anak yang berusia tiga tahun dan dua minggu selain ibunya yang uzur.

"Saya kesal dan insaf atas perbuatan saya dan berjanji tidak akan mengulangi perbuatan itu, disebabkan kesalahan ini, imej saya sudah tercaltar dan perniagaan kian merosot," rayunya sambil menangis.

Mengikut fakta kes, syarikat tertuduh menjalankan perniagaan berkaitan komputer dan ICT. Pada sekitar Ogos 2008, tertuduh telah membuat permohonan geran penyelidikan dan pembangunan (R&D) dana inovasi daripada Mosti berjumlah RM3 juta bagi projek NVAT iaitu projek yang menampilkan produk kreatif serta inovatif dengan pembangunan produk keselamatan IT.

Pada hari kejadian, Hairuzaki telah mengemukakan satu set dokumen 'Project Spending Summary' bersama-sama resit, baucar bayaran dan dokumen sokongan kepada Suhaimi di Unit Pengurusan Dana Mosti.

Hasil siasatan mendapati dokumen berkaitan NVAT mengandungi pernyataan palsu tentang butiran tuntutan berjumlah RM200,000 untuk bayaran 'Subject Matter Expert' yang sebenarnya tidak dilakukan.

Jika gagal membayar denda, Hairuzaki boleh dipenjara lima tahun.

5 September 2018

3. 16 termasuk penguat kuasa ditahan kerana rasuah

KUALA LUMPUR 5 Sept. - Suruhanjaya Pencegahan Rasuah Malaysia (SPRM) Pulau Pinang menahan 16 individu daripada pelbagai agensi penguat kuasa dan swasta termasuk timbalan pengarah Jabatan Pengangkutan Jalan (JPJ) sebuah negeri di utara kerana memberi dan meminta rasuah, semalam.

Menurut sumber, kesemua individu tersebut yang masing-masing berusia lingkungan 29 sehingga 47 tahun ditahan di antara pukul 6.30 pagi dan 5.30 petang.

"Mereka semua ditahan secara berasingan di Pulau Pinang, Kedah, Perak, Selangor, Kuala Lumpur dan Sabah. Antara yang ditahan adalah termasuk dua wanita," katanya di sini hari ini.,

Tambahnya lagi, siasatan awal mendapati, kesemua suspek terlibat dalam memberi dan menerima rasuah bagi menyelesaikan saman, prosedur keselamatan jalan raya dan pemalsuan lesen memandu.

Sementara itu, Pengarah SPM Pulau Pinang, Datuk Wan Ramli Wan Abdullah mengesahkan kesemua penahanan tersebut.

"Kesemua mereka akan direman di Mahkamah Pulau Pinang, Shah Alam dan Kota Kinabalu hari ini," ujarnya.

11 September 2018

4. Anggota polis ditahan reman kes rasuah RM4,000

SEORANG anggota polis berpangkat kopral ditahan reman selama enam hari bagi membantu siasatan kes rasuah di Mahkamah Khas Reman Seremban hari ini.

RASAH 11 Sept. - Seorang anggota polis berpangkat kopral ditahan reman selama enam hari bermula hari ini bagi membantu siasatan kes meminta dan menerima rasuah sebanyak RM4,000 di Gemas, minggu lalu.

Perintah reman ke atas suspek berusia 32 tahun dikeluarkan oleh Penolong Pendaftar Mahkamah Khas Reman Seremban, Mas Azmimin Ahmad kira-kira pukul 11 pagi tadi.

Permohonan reman dikemukakan Pegawai Penyiasat Suruhanjaya Pencegahan Rasuah Malaysia (SPRM), Riduan Kadri mengikut Seksyen 17(a) Akta SPRM 2009.

Suspek diwakili peguam Yayasan Bantuan Guaman Kebangsaan.

Suspek yang bertugas di pondok polis Sungai Kelamah, Gemas ditahan dalam satu serbuan di sekitar pekan Gemencheh Baru dekat Gemas pada pukul 1 petang, 10 September lalu.

Tangkapan dilakukan selepas SPRM menerima laporan bahawa suspek meminta dan menerima wang rasuah RM1,000 daripada pengadu yang juga seorang penternak kambing dan peladang pada pukul 11.30 pagi, 6 September lalu.

Sogokan itu sebagai balasan tidak mengambil tindakan terhadap pengadu berusia 36 tahun yang dikatakan bersubahat dalam kegiatan mencuri kambing.

Pada hari sama pukul 4.30 petang, suspek sekali lagi meminta wang rasuah RM5,000 daripada pengadu bagi tujuan sama. Suspek menerima wang rasuah RM3,000 daripada pengadu empat hari kemudian.

12 September 2018

5. SPRM tahan koperal terima rasuah RM10,000

SHAH ALAM 12 Sept. - Seorang anggota polis berpangkat koperal ditahan Suruhanjaya Pencegahan Rasuah Malaysia (SPRM) bagi membantu siasatan berhubung kes rasuah melibatkan wang berjumlah RM10,000.

Menurut sumber, lelaki berusia 40 tahun itu ditahan di pejabat SPRM Selangor ketika hadir memberi keterangan kira-kira pukul 4 petang tadi.

Jelas sumber, suspek dipercayai telah meminta dan menerima wang sebanyak RM10,000 sebagai balasan melepaskan orang awam yang ditahan atas kesalahan dadah.

Pengarah SPRM Selangor, Datuk Alias Salim ketika dihubungi mengesahkan penahanan tersebut.

12 September 2018

6. SPRM bertemu Daim, siasat dakwaan transaksi tanah meragukan

KUALA LUMPUR 12 Sept. - Sepasukan pegawai Suruhanjaya Pencegahan Rasuah Malaysia (SPRM) tiba untuk bertemu Pengerusi Majlis Penasihat Kerajaan (MPK), Tun Daim Zainuddin di Menara Ilham pada pukul 10.40 pagi tadi.

Dipercayai, Ketua Pesuruhjaya SPRM, Datuk Seri Shukri Abdull turut hadir mengetuai pasukan pegawai SPRM tersebut.

Difahamkan, pertemuan tersebut adalah berhubung dakwaan Daim mengenai transaksi tanah meragukan di ibu negara yang berlaku ketika pentadbiran kerajaan lalu.

Semalam, Daim mendakwa sekurang-sekurangnya 91 transaksi lot tanah di pusat bandar meragukan.

"Kita dah siasat semua dan telah hantar kepada SPRM. Esok (hari ini) SPRM akan jumpa saya dan jika ada kesalahan dalam transaksi tanah ini, SPRM akan ambil tindakan," katanya.

13 September 2018

7. 43 transaksi penjualan tanah Kementerian Wilayah diteruskan**KHALID ABDUL SAMAD**

KUALA LUMPUR 13 Sept. - Jawatankuasa khas Kementerian Wilayah mengesyorkan sebanyak 43 daripada 97 transaksi penjualan tanah yang dilakukan oleh kerajaan terdahulu diteruskan.

Menteri Wilayah, Khalid Abdul Samad berkata, jumlah itu tidak termasuk 10 transaksi yang dibatalkan, 23 transaksi yang ditangguhkan kerana masih dalam peringkat rundingan, 20 transaksi yang telah dipindah milik dan satu yang sedang dalam proses perundangan di mahkamah.

Menurut Khalid, jawatankuasa yang ditubuhkan pada 31 Julai lalu juga mengesyorkan semua transaksi yang telah dipindah milik kepada pembeli disiasat oleh Suruhanjaya Pencegahan Rasuah Malaysia (SPRM).

"Daripada 23 transaksi tanah yang ditangguhkan itu, sebanyak 13 transaksi melibatkan pembangunan projek Rumah Mampu Milik Wilayah Persekutuan (Rumawip).

"Jumlah keluasan tanah bagi kesemua 97 transaksi tersebut adalah 675.27 ekar (273.3 hektar) yang bersamaan dengan 1.1 peratus daripada keluasan keseluruhan Wilayah Persekutuan Kuala Lumpur," katanya pada satu sidang media di sini, hari ini.

Anggota Parlimen Kepong Lim Lip Eng sebelum ini membuat laporan

meminta SPRM menyiasat penjualan 64 bidang tanah pada harga RM4.28 bilion kepada Yayasan Wilayah Persekutuan pada 2013

membabitkan bekas Menteri Wilayah, Datuk Seri Tengku Adnan Tengku Mansor.

Khalid berkata, laporan jawatankuasa khas yang telah diserahkan kepada SPRM pada 4 Sept lalu untuk tindakan lanjut.

Jelas beliau, perbincangan jawatankuasa selama 15 hari itu mendapati sebanyak 13 projek Rumawip tersenarai dalam projek yang perlu ditangguhkan.

14 September 2018

8. Muhammad Shafee diikat jamin RM1j**Tidak mengaku salah atas empat pertuduhan**

MUHAMMAD SHAFEE ABDULLAH (tengah) ketika tiba di pekarangan Mahkamah Kuala Lumpur bagi menghadapi empat pertuduhan, semalam.

KUALA LUMPUR 13 Sept. - Peguam utama yang mewakili Datuk Seri Najib Tun Razak dalam kes salah laku jenayah, Tan Sri Dr. Muhammad Shafee Abdullah memberitahu Mahkamah Sesyen di sini bahawa dia ditahan oleh Suruhanjaya Pencegahan Rasuah Malaysia (SPRM) hari ini selepas bertemu dengan bekas Perdana Menteri itu yang merupakan anak guamnya di Pavilion malam tadi.

Muhammad Shafee menyatakan demikian ketika dihadapkan ke muka pengadilan dan mengaku tidak bersalah atas dua pertuduhan menerima hasil daripada aktiviti haram berjumlah RM9.5 juta daripada Najib dan dua pertuduhan melibatkan diri dalam transaksi hasil aktiviti haram dengan membuat pernyata yang tidak betul kepada Lembaga Hasil Dalam Negeri (LHDN), tiga tahun lalu.

Muhammad Shafee, 66, yang berkemeja putih dan bersut hitam itu dibawa masuk ke dalam mahkamah pada pukul 11.22 pagi sempat menyikat rambutnya dan bertemu ahli keluarga dan peguam bela sebelum prosiding bermula.

Dua pertuduhan menerima hasil aktiviti haram dikemukakan di bawah perenggan 4(1)(a) Akta Pencegahan Pengubahan Wang Haram dan Pencegahan Pembiayaan Keganasan 2001 manakala baki dua pertuduhan lagi dibuat mengikut perenggan 4(1)(a) Akta Pencegahan Pengubahan Wang Haram, Pencegahan Pembiayaan Keganasan dan Hasil daripada Aktiviti Haram 2001.

Keempat-empat pertuduhan itu dikemukakan oleh bekas Hakim Mahkamah Persekutuan, Datuk Seri Gopal Sri Ram yang dilantik sebagai Timbalan Pendakwa Raya untuk mengetuai pendakwaan, boleh dihukum di bawah Subseksyen 4(1) akta sama yang membawa hukuman denda maksimum RM5 juta atau penjara sehingga lima tahun atau ke-dua-duanya.

Muhammad Shafee merupakan peguam utama yang mengetuai barisan tujuh peguam bela yang mewakili Najib ketika bekas Presiden UMNO itu didakwa pada tuduhan pecah amanah, menyalah guna kedudukan untuk kepentingan peribadi dan pengubahan wang haram melibatkan dana RM42 juta berkaitan syarikat SRC International Sdn. Bhd.

Sementara itu, Timbalan Pendakwa Raya, Ahmad Akram Gharib mencadangkan jaminan RM2.5 juta dengan dua penjamin dan dua pasport milik tertuduh diserahkan kepada mahkamah sebagai syarat tambahan jaminan yang diberikan.

"Tertuduh seorang yang sangat sibuk sehingga pernah suatu ketika kesnya disebut, dia sebagai peguam tidak hadir untuk mengendalikan kesnya di mahkamah. Oleh itu mahkamah perlu mengenakan jumlah jaminan yang tinggi bagi menjamin kehadiran tertuduh dan rasa tanggungjawabnya untuk hadir ke mahkamah," kata Ahmad Akram.

Peguam Harvinderjit Singh yang mengetuai barisan peguam bela mewakili Muhammad Shafee pula memohon supaya anak guamnya dibebaskan dengan bon peribadi tanpa jumlah jaminan ditetapkan di bawah Seksyen 387 Kanun Tatacara Jenayah.

"Anak guam saya merupakan seorang peguam berpengalaman hampir 39 tahun dan menjadi Timbalan Pendakwa Raya selama enam tahun. Kes yang dikendalikan oleh tertuduh melebihi 100 kes jika dilihat dalam pencarian Google dan kes terhadapnya adalah suatu kes yang luar biasa yang perlu dipertimbangkan oleh mahkamah," ujar Harvinderjit.

Beliau yang menyifatkan jumlah jaminan dicadangkan pendakwaan adalah keterlaluan sebaliknya memohon agar mahkamah menetapkan jaminan antara RM500,000 dan RM600,000 sahaja.

Sri Ram ketika membela hujah berkata, kes terhadap tertuduh adalah suatu kes berkepentingan awam oleh itu tindakan membebaskan tertuduh menerusi bon peribadi boleh dianggap sebagai suatu penghinaan terhadap orang awam.

Ujar beliau, kes dihadapi Muhammad Shafee adalah serius dan bebas daripada sebarang unsur politik sehubungan itu pihaknya memohon agar tertuduh tidak diberikan sebarang layanan istimewa.

Mahkamah kemudian membenarkan Muhammad Shafee diikat jamin RM1 juta dengan dua penjamin dan pasport antarabangsa serta pasport diplomatik tertuduh diserahkan kepada mahkamah.

Azura turut memerintahkan jumlah jaminan RM500,000 dijelaskan hari ini sementara bakinya dilunaskan pada 18 September ini. Mahkamah menetapkan 2 Oktober ini untuk sebutan semula kes.

Muhammad Shafee turut diwakili peguam, Chetan Jethwani, Datuk Kamarul Hisham Kamarudin, Datuk Hasnal Rezua Merican, Sarah Abishegan, Rahmat Hazlan, Muhammad Farhan Muhammad Shafee, dan Jeffery John manakala pihak pendakwaan turut disertai oleh Timbalan-timbalan Pendakwa Raya, Kamal Baharin Omar dan Afzainizam Abdul Aziz.

14 September 2018

9. Siasat projek kondominium



SEKUMPULAN penduduk sekitar Lorong Peel, Maluri di Kuala Lumpur hari ini bermimpin di Ibu Pejabat Suruhanjaya Pencegahan Rasuah Malaysia (SPRM) di Putrajaya bagi meminta SPRM menyiasat dakwaan berlaku salah guna kuasa berkaitan kelulusan projek pembinaan sebuah kondominium mewah di kawasan berkenaan

PUTRAJAYA 14 Sept. - Sekumpulan 100 penduduk sekitar Lorong Peel, Maluri di Kuala Lumpur hari ini membuat laporan susulan bagi meminta Suruhanjaya Pencegahan Rasuah Malaysia (SPRM) menyiasat dakwaan berlaku salah guna kuasa berkaitan kelulusan projek pembinaan sebuah kondominium mewah di kawasan berkenaan.

Mereka yang berhimpun di hadapan Ibu Pejabat SPRM, di sini mahu tindakan segara diambil memandangkan tanah terlibat didakwa sebagai tanah rizab jalan milik kerajaan.

Ketua Biro Pemantauan Salah Guna Kuasa dan Hal Ehwal Kaum Cina Pertubuhan Minda dan Sosial Prihatin, Tony Tan Chee Chong berkata, pihaknya pernah membawa kes melibatkan pembinaan kondominium di atas tanah lot 810 milik kerajaan itu kepada perhatian SPRM dan polis sebelum ini.

"Jadi hari ini kita ingin meminta lagi perhatian pihak SPRM untuk menyiasat kes ini. Dengan perubahan kerajaan, kita harap kes ini dapat disiasat dengan segera dan sewajarnya oleh pihak berkuasa.

"Kita khawatir dengan pembinaan kondominium setinggi 45 tingkat ini, ia akan menjelaskan kehidupan kira-kira 20,000 penduduk sekitar terutama melibatkan kesesakan lalu lintas yang teruk. Kita mahu

SPRM siasat jika berlaku unsur-unsur salah guna kuasa," katanya ketika ditemui selepas perhimpunan itu.

Tony menambah, penduduk sebelum kini juga ada menyuarakan bantahan termasuk menghantar surat kepada pihak Menteri Wilayah dan telah dipanggil untuk bermesyuarat, tetapi tiada apa-apa tindakan atau pengumuman selepas itu.

15 September 2018

10. Synergy Promenade tidak teragak-agak ambil tindakan terhadap Felda**Projek Kuala Lumpur Vertical City (KLVC) di Kuala Lumpur**

KUALA LUMPUR 15 Sept. - Synergy Promenade Sdn. Bhd. (Synergy Promenade) tidak teragak-agak untuk mengambil tindakan perundangan terhadap Lembaga Kemajuan Tanah Persekutuan (Felda) bagi mendapatkan ganti rugi berhubung kemelut pemilikan tanah untuk projek Kuala Lumpur Vertical City (KLVC).

Walau bagaimanapun menurut jurucakap syarikat, Synergy Promenade terlebih dahulu mahu mengadakan perbincangan dengan Pengerusi baharu Felda, Tan Sri Megat Zaharuddin Megat Mohd. Nor bagi menyelesaikan masalah tersebut yang bermula sejak tahun lalu.

Tambahnya, sehingga hari ini syarikat tidak mendapat sebarang maklum balas konstruktif daripada Felda untuk berhubung terhadap pindah milik tanah yang berlaku.

"Penyelesaian yang wajar patut dilakukan demi kepentingan semua pihak iaitu Synergy Promenade, Felda dan Felda Investment Corporation Sdn. Bhd. (FIC)."

"Tetapi, sekiranya perkara ini juga tidak menjadi kenyataan, kami tiada pilihan lain dan tidak akan teragak-agak untuk mencari apa juu tindakan perundangan yang berpututan ke atas Felda atau FIC bagi membolehkan kami mendapat ganti rugi yang sewajarnya," katanya dalam satu kenyataan di sini, hari ini.

Jurucakap itu menjelaskan, KLVC yang bakal dibina di atas tanah milik Felda di Jalan Semarak di sini pada asalnya adalah bagi merealisasikan hasrat Felda untuk membina tiga menara, setiap satunya

mempunyai ketinggian 68, 75 dan 70 tingkat dengan anggaran Nilai Pembangunan Kasar (GDV) sehingga RM2.5 bilion.

Katanya, bagi keperluan pembiayaan untuk menyempurnakan projek pembangunan itu, syarikat memindahkan sebahagian hak milik tanah bagi membolehkan syarikat mendapat kewangan, di mana caj ke atas tanah tersebut akan dijamin pihak pertama sebagai jaminan.

Tambahnya, berhubung pemindahan hak milik tanah berkenaan, timbul beberapa tuduhan seperti salah guna kuasa, rasuah, dan salah laku.

"Untuk pengetahuan, proses pemindahan hak milik berkenaan dilakukan selaras dengan perjanjian yang dicapai antara pihak kami, Felda dan FIC. Kami juga telah mematuhi syarat dan prosedur yang sepatutnya iaitu menerusi Pejabat Tanah dan Galian," katanya.

Kata jurucakap itu lagi, Timbalan Ketua Pesuruhjaya (Operasi) Suruhanjaya Pencegahan Rasuah Malaysia (SPRM), Datuk Seri Azam Baki sendiri menyatakan tidak ada unsur rasuah atau salah guna kuasa berhubung pemindahan hak milik tanah berkenaan.

Menurutnya, Azam turut berkata siasatan SPM menunjukkan ia hanyalah kelemahan dalam urus tadbir dan perkara itu tertakluk kepada siasatan pihak polis.

"Berhubung perkara berkenaan, polis juga telah menutup siasatan dan merumuskan tiada tindakan lanjut akan diambil.

"Jika benar Synergy Promenade mempunyai niat untuk memindahkan hak milik tanah berkenaan demi kepentingan sendiri, seperti yang dituduh, dan bukannya untuk pembangunan tersebut, sepatutnya syarikat boleh menjual tanah berkenaan terus kepada pihak ketiga.

"Bukannya memindahkan hak milik tanah berkenaan ke atas nama kami sendiri, yang menyebabkan kami terpaksa menanggung kos-kos berkaitan di atas pemindahan berkenaan seperti nilai duti setem yang tinggi," katanya.

Mengulas lanjut katanya, daripada 24 plot tanah yang tertera dalam perjanjian berkenaan, Synergy Promenade hanya memindahkan 16 hak milik tanah yang perlu bagi tujuan pembangunan ketiga-tiga menara seperti yang dikehendaki oleh Felda.

Katanya, syarikat telah memaklumkan Felda dalam tempoh masa yang berpatutan berhubung proses pemindahan hak milik itu, namun tiada maklum balas diperoleh daripada Felda.

"Tetapi hanya selepas beberapa bulan proses penukaran berlaku, barulah Synergy Promenade dipanggil untuk menghadiri mesyuarat. Ketika mesyuarat berkenaan berlangsung, kami telah menjelaskan kepada mereka faktor kami melakukan pemindahan hak milik tanah berkenaan.

"Tetapi, Felda enggan menerima penjelasan kami, sebaliknya mereka bertegas agar tanah berkenaan dikembalikan kepada mereka, dan Felda memilih untuk menyiarkan permintaan berkenaan melalui media awam," katanya.

Ditanya berkaitan perjanjian persefahaman (MoU) dengan Felda yang diadakan selepas kontroversi tersebut, jurucakap itu berkata, ia bagi membolehkan projek pembangunan berjalan dan mengelakkan perselisihan faham berterusan.

Katanya, Felda bersetuju untuk menerima tanah dan berjanji membantu menyelesaikan kelmelut yang menguntungkan semua pihak terlibat dalam isu itu.

"Selepas proses penyerahan tanah berlaku, hanya sekali pertemuan dan perbincangan diadakan sehingga kini. Ketika pertemuan awal itu, Felda memberi jaminan akan memastikan kami mendapat cadangan mereka berhubung perkara ini.

"Malangnya sehingga hari ini, kami tidak mendapat sebarang kertas cadangan walaupun mereka telah diberi notis peringatan beberapa kali.

"Memandangkan tempoh enam bulan untuk rundingan seperti mana yang dinyatakan dalam MoU berkenaan telah berlalu, maka perjanjian itu dengan sendirinya telah terbatal," katanya.

Katanya lagi, Synergy Promenade telah beberapa kali menulis surat kepada Felda bagi memohon maklum balas tentang langkah penyelesaian berhubung pembangunan berkenaan.

Katanya, satu daripada terma MoU menyatakan pemindahan semula hak milik tanah berkenaan mesti dilakukan selaras dengan prosedur dan undang-undang.

Dua daripada tanah berkenaan tertakluk kepada sekatan di mana persetujuan pihak berkuasa dari kerajaan negeri diperlukan untuk proses pemindahan hak milik tanah yang dinyatakan.

"Mengikut prosedur yang sepatutnya, kami perlu menghantar permohonan kepada Pejabat Tanah dan Galian Wilayah Persekutuan (PTGWP) bagi membolehkan persetujuan pihak berkuasa dan Surat Kebenaran Pindahmilik dapat dikeluarkan.

"Namun sebelum kami menandatangani dan menghantar permohonan berkenaan, kami terkejut apabila mendapati kedua-dua tanah yang dinyatakan sudah pun dipindahkan hak miliknya dan telah didaftar di bawah nama Felda," katanya.

Ekoran itu, syarikat telah menulis surat memohon penjelasan daripada pihak PTGWP beberapa kali berhubung perkara ini, tetapi sehingga ke hari ini tidak mendapat sebarang maklum balas.

"Kami berpandangan terdapat kemungkinan penyalahgunaan kuasa berlaku, dan pemindahan hak milik kedua-dua tanah itu tidak mengikuti lunas undang-undang yang sepatutnya.

"Oleh itu kami akan membuat laporan kepada pihak SPRM berhubung isu ini," katanya lagi.

19 September 2018

11. Najib ditahan SPRM, akan didakwa esok**NAJIB RAZAK**

PUTRAJAYA 19 Sept. - Bekas Perdana Menteri, Datuk Seri Najib Tun Razak hari ini ditahan oleh Suruhanjaya Pencegahan Rasuah Malaysia (SPRM) berhubung kes 1Malaysia Development Berhad (1MDB) berkaitan kemasukan wang RM2.6 bilion ke akaun peribadi beliau.

SPRM dalam satu kenyataan memberitahu, penahanan itu dibuat pada petang ini pukul 4.13 petang di Ibu Pejabat SPRM, di sini.

"Najib akan menghadapi beberapa pertuduhan di bawah Seksyen 23(1) Akta Suruhanjaya Pencegahan Rasuah Malaysia 2009 setelah mendapat izin mendakwa daripada Pejabat Peguam Negara.

"Najib akan dibawa ke Mahkamah Sesyen Kuala Lumpur pada 20 September ini, pukul 3 petang untuk pertuduhan di mahkamah," kata suruhanjaya itu, di sini hari ini.

Suruhanjaya itu berkata, SPRM juga akan bekerjasama dengan Polis Diraja Malaysia (PDRM) bagi merakam percakapan Najib sebelum beliau dibawa ke mahkamah esok bagi membantu siasatan pihak polis mengikut Akta Pencegahan Pengubahan Wang Haram, Pencegahan Pembiayaan Keganasan dan Hasil Daripada Aktiviti Haram (AMLATFPUAA) 2001.



KENYATAAN MEDIA SURUHANJAYA PENCEGAHAN RASUAH MALAYSIA

Alamat : Bahagian Komunikasi Strategik,
Aras 1B, Blok C,
Ibu Pejabat
Suruhanjaya Pencegahan Rasuah Malaysia,
No. 2, Lebuh Wawasan, Presint 7,
62250 Putrajaya.
Tel. : 03-8870 0015
Fax : 03-8888 9528
E-mel : komunikasi@sprm.gov.my
Web : www.sprm.gov.my
Twitter : twitter.com/SPRMMalaysia
Facebook: facebook.com/sprm.benici.rasuah
Blog : www.ourdifferentview.com
Youtube : www.youtube.com/odvmaacc

NAJIB RAZAK DITAHAN SPRM UNTUK PENDAKWAAN LAGI

SURUHANJAYA Pencegahan Rasuah Malaysia (SPRM) telah menahan bekas Perdana Menteri Malaysia, Datuk Seri Mohd. Najib Abdul Razak berhubung kes yang menarik perhatian masyarakat tempatan dan antarabangsa iaitu kes 1MDB berkaitan kemasukan wang RM2.6 bilion ke akaun peribadi beliau.

Penahanan itu dibuat pada petang ini jam 4.13 petang di Ibu Pejabat SPRM, Putrajaya.

Mohd. Najib akan menghadapi beberapa pertuduhan di bawah Seksyen 23(1) Akta Suruhanjaya Pencegahan Rasuah Malaysia 2009 setelah mendapat izin mendakwa daripada Pejabat Peguam Negara. Mohd. Najib akan dibawa ke Mahkamah Sesyen Kuala Lumpur pada 20 September 2018, jam 3.00 petang untuk pertuduhan di mahkamah.

SPRM juga akan bekerjasama dengan Polis Diraja Malaysia (PDRM) bagi merakam percakapan Mohd. Najib sebelum beliau dibawa ke mahkamah esok bagi membantu siasatan pihak polis mengikut Akta Pencegahan Pengubahan Wang Haram, Pencegahan Pembiayaan Keganasan dan Hasil Daripada Aktiviti Haram (AMLATFPUA) 2001.

**SURUHANJAYA PENCEGAHAN RASUAH MALAYSIA
PUTRAJAYA**

19 SEPTEMBER 2018

Persidangan Pencegahan Rasuah Malaysia (SPRM) merupakan sebuah operasi pengawalsuran yang dimulakan melalui penggalan akta 1999 (Akta 699) bagi meningkatkan keberkesanan dan ketepatan dalam urus Pencegahan Rasuah di Malaysia serta untuk memperbaiki persepsi keberatan dan ketulusan dalam pelaksanaan Peristiwa 1998. SPRM turut direka dengan maklumat cheq and balance dalam memastikan 1998 bertindak selaras dengan keadaan semundur negara dan aliran manusia. Persidangan ini dilaksanakan oleh Badan Pencegahan Rasuah (BPR).

20 September 2018

12. Terima suapan: Pengurus ladang ditahan reman

Pengurus ladang dibawa oleh petugas SPRM ke mahkamah di Kemaman hari ini bagi mendapatkan perintah reman.

KEMAMAN 20 Sept. -Seorang pengurus ladang di sini ditahan reman selama empat hari mulai hari ini bagi membantu siasatan berhubung kes menerima suapan berjumlah RM27,500 daripada seorang pembekal peralatan dan jentera.

Perintah itu dikeluarkan oleh Hakim Mahkamah Majistret/Sesyen, Badrul Munir Mohd Hamdy pagi ini sebelum suspek yang ditangkap semalam dibawa ke pejabat Suruhanjaya Pencegahan Rasuah Malaysia (SPRM) di sini untuk siasatan lanjut.

Suspek yang berusia 54 tahun dipercayai menerima suapan daripada seorang pemilik syarikat perkakasan menerusi akaunnya sebagai dorongan untuk meneruskan kerja-kerja pembekalan peralatan.

Menurut sumber, kesalahan itu dipercayai dilakukan antara bulan Julai hingga Disember 2015.

Semalam, pemilik syarikat berusia 36 tahun yang ditahan petang kemarin direman selama lima hari bagi membantu siasatan dibawah seksyen 16(a)(a) Akta SPRM 2009.

Perintah itu dikeluarkan Penolong Pendaftar Mahkamah Majistret Kemaman, Masni Hajar Ghazali.

27 September 2018

13. Rasuah: Abdul Azeez, abang serta sepupu direman empat hari

ABDUL AZEEZ ABDUL RAHIM dan abangnya dibawa ke Mahkamah Majistret Putrajaya, semalam, bagi mendapatkan perintah reman.

PUTRAJAYA 26 Sept. - Permohonan penahanan reman selama tujuh hari di bawah Seksyen 117 Kanun Tatacara Jenayah oleh Suruhanjaya Pencegahan Rasuah Malaysia (SPRM) terhadap Ahli Parlimen Baling yang juga bekas Pengerusi Lembaga Tabung Haji (TH), Datuk Seri Abdul Azeez Abdul Rahim didakwa tidak sah di sisi undang-undang.

Berikutan itu, permohonan tersebut telah dibantah oleh peguam, S. Devanandan yang mewakili Abdul Azeez berdasarkan alasan bahawa Ahli Majlis Tertinggi UMNO itu telah memberi kerjasama penuh kepada SPRM sejak siasatan terhadapnya dijalankan selepas serbuan di beberapa lokasi yang mempunyai kaitan dengannya pada 23 Mei lalu.

Menurut Devanandan, peruntukan yang terpakai bagi siasatan berkenaan sepatutnya di bawah Seksyen 49 Akta SPRM 2009 dan bukan permohonan reman di bawah Seksyen 117 Kanun Tatacara Jenayah, namun hujah tersebut ditolak oleh mahkamah.

Bagaimanapun katanya, pihaknya akur dengan keputusan mahkamah.

"Kita bantah sekeras-kerasnya hujah pihak Timbalan Pendakwa Raya SPRM memandangkan alasan-alasan tersebut tidak kukuh dan Abdul Azeez tidak perlu berada dalam penahanan untuk pihak SPRM selesaikan tindakan-tindakan siasatan yang perlu diambil."

"Mereka mengatakan bahawa mereka perlu membuat semakan dan perbandingan rakaman percakapan saksi-saksi lain dengan rakaman percakapan Abdul Azeez bagi memastikan sama ada terdapat sebarang percanggahan atau tidak.

"Kami berpendapat bahawa Abdul Azeez tidak perlu ditahan untuk mendapatkan penjelasan kerana beliau sanggup hadir di SPRM pada bila-bila masa untuk membolehkan mereka menyelesaikan siasatan," katanya ketika dihubungi Utusan Malaysia, di sini hari ini.

Selain itu, Devanandan memberitahu, pihak pendakwaan berhujah bahawa pegawai penyiasat perlu membuat semakan dengan Lembaga Hasil Dalam Negeri (LHDN) tentang aset Abdul Azeez sama ada telah diisytihar dan dibayar cukai, namun pihaknya menyatakan perkara itu boleh dilakukan tanpa penahanan anak guamnya.

Hari ini, Majistret Shah Wira Abdul Halim mengeluarkan perintah reman selama empat hari terhadap Abdul Azeez, abangnya dan sepupu mereka setelah ketiga-tiganya dibawa ke Mahkamah Majistret di sini pada pukul 10.30 pagi dengan memakai baju lokap SPRM berwarna jingga dan tangan digari.

Semalam Abdul Azeez ditahan di Ibu pejabat SPRM di sini pada pukul 11.15 pagi ketika hadir untuk memberi keterangan kepada suruhanjaya berkenaan.

Abang Abdul Azeez merangkap Pengurus Besar sebuah syarikat pengurusan harta tanah ditahan pada pukul 11.30 pagi pada hari yang sama di Sungai Buloh, Selangor manakala sepupu mereka yang memegang jawatan sebagai Pengarah Syarikat ditahan pada pukul 5.30 petang di Ibu pejabat SPRM.

Prosiding tahanan reman dikendalikan Timbalan Pendakwa Raya SPRM, Tengku Amir Zaki Tengku Abdul Rahman manakala ketiga-tiga suspek itu turut diwakili peguam Datuk Seri Jahaberdeen Mohamed Yunoos.

Difahamkan, ketiga-tiga suspek direman bagi membantu siasatan dalam pelbagai kes rasuah termasuk projek Lembaga Tabung Haji (Tabung Haji) mengikut Seksyen 16 Akta SPRM 2009 dan Seksyen 4 Akta Pencegahan Pengubahan Wang Haram dan Pencegahan Pembiayaan Keganasan 2001 (AMLATFA).

29 September 2018

14. Abdul Azeez, abang direman 6 hari lagi

ABDUL AZEEZ ABDUL RAHIM dan abangnya, Abdul Latif Abdul Rahim keluar dari mahkamah selepas majistret membenarkan permohonan Suruhanjaya Pencegahan Rasuah Malaysia (SPRM) melanjutkan reman enam hari ke atas mereka di Putrajaya, semalam.

PUTRAJAYA 29 Sept. - Tempoh reman Ahli Parlimen Baling merangkap ahli Majlis Tertinggi (MT) UMNO, Datuk Seri Abdul Azeez Abdul Rahim dan abangnya, Abdul Latif Abdul Rahim bagi membantu siasatan kes menerima rasuah disambung selama enam hari lagi.

Perintah reman itu dikeluarkan oleh Majistret Shah Wira Abdul Halim sehingga 5 Oktober ini.

Selain itu, seorang lagi suspek yang turut direman pada Rabu lalu membabitkan kes sama dibebaskan hari ini.

Nazri Osman yang juga sepupu kepada Abdul Azeez dibebaskan dengan ikat jamin sebanyak RM10,000 bersama seorang penjamin.

Terdahulu, ketiga-tiga suspek itu dibawa ke Mahkamah Majistret di sini dengan memakai baju lokap Suruhanjaya Pencegahan Rasuah Malaysia (SPRM) berwarna jingga dan tangan digari.

Rabu lalu, ketiga-tiga suspek tersebut direman selama empat hari mengikut peruntukan 117 Kanun Acara Jenayah selepas membenarkan permohonan oleh SPRM.

Sebelum ini, Abdul Azeez yang juga bekas Pengurus Lembaga Tabung Haji ditahan di Ibu pejabat Suruhanjaya Pencegahan Rasuah Malaysia (SPRM) pada pukul 11.15 pagi ketika hadir untuk memberi keterangan kepada suruhanjaya itu, Selasa lalu.

Abdul Latif yang juga pengurus besar sebuah syarikat pengurusan harta tanah ditahan pada pukul 11.30 pagi pada hari sama di Sungai Buloh manakala pengarah syarikat berumur 36 tahun itu pula ditahan pada pukul 5.30 petang semalam di Ibu pejabat SPRM.

29 September 2018

15. Abdul Azeez, abangnya direman enam hari lagi



ABDUL AZEEZ Abdul Rahim melambai kepada pengamal media selepas tahanan remannya disambung selama enam hari lagi

PUTRAJAYA 29 Sept. - Tempoh reman ahli Parlimen Baling merangkap ahli Majlis Tertinggi (MT) UMNO, Datuk Seri Abdul Azeez Abdul Rahim dan abangnya, Abdul Latif Abdul Rahim bagi membantu siasatan kes menerima rasuah disambung selama enam hari lagi.

Perintah reman itu dikeluarkan oleh Majistret Shah Wira Abdul Halim sehingga 5 Oktober ini.



TEMPOH reman Abdul Azeez Abdul Rahim dan abangnya, Abdul Latif bagi membantu siasatan kes menerima rasuah disambung selama enam hari lagi. - UTUSAN ONLINE/ZAKI AMIRUDDIN

Selain itu, seorang lagi suspek yang turut direman pada Rabu lalu membabitkan kes sama dibebaskan hari ini.

Nazri Osman yang juga sepupu kepada Abdul Azeez dibebaskan dengan ikat jamin sebanyak RM10,000 bersama seorang penjamin.

Terdahulu, ketiga-tiga suspek itu dibawa ke Mahkamah Majistret di sini dengan memakai baju lokap Suruhanjaya Pencegahan Rasuah Malaysia (SPRM) berwarna jingga dan tangan digari.



TEMPOH reman Abdul Azeez Abdul Rahim dan abangnya, Abdul Latif bagi membantu siasatan kes menerima rasuah disambung selama enam hari lagi.

Rabu lalu, ketiga-tiga suspek tersebut direman selama empat hari mengikut peruntukan 117 Kanun Acara Jenayah selepas memberarkan permohonan oleh SPRM.

29 September 2018

16. Lapan individu termasuk enam pegawai Imigresen direman empat hari

LAPAN suspek termasuk enam pegawai Imigresen dibawa keluar dari Ibu pejabat Polis Daerah Dang Wangi, Kuala Lumpur hari ini.

KUALA LUMPUR 29 Sept. - Lapan individu yang ditahan Suruhanjaya Pencegahan Rasuah Malaysia (SPRM) di Lapangan Terbang Antarabangsa Kuala Lumpur (KLIA) semalam direman empat hari bermula hari ini hingga Selasa depan.

Perintah reman tersebut dikeluarkan oleh Majistret, Nik Isfahanie Tasnim Wan Ab. Rahmandi Ibu pejabat Polis Daerah (IPD) Dang Wangi, di sini hari ini.

Peguam bela enam pegawai Imigresen terbabit, Mohamad Zahid Ahmad berkata, mahkamah membenarkan reman selama empat hari berbanding tujuh hari yang diminta pegawai penyiasat.

"Siasatan akan dilakukan mengikut Seksyen 17 (a) Akta Suruhanjaya Pencegahan Rasuah Malaysia (SPRM) 2009," katanya ketika ditemui di IPD Dang Wangi, di sini hari ini.

Semalam, SPM menahan enam pegawai Jabatan Imigresen berusia 27 hingga 36 tahun kerana disyaki bersubahat dengan sindiket untuk melepaskan individu disenarai hitam ke luar dan memasuki negara ini.

Menurut sumber, kesemuanya ditahan di Lapangan Terbang Antarabangsa Kuala Lumpur (KLIA) antara pukul 8.16 hingga 9.10 pagi.

Turut ditahan ialah seorang wanita warga Vietnam dan seorang ahli perniagaan wanita warga tempatan berusia 49 tahun.

30 September 2018

17. Adik Abdul Azeez tidak dibenar keluar negara



Abdul Mutualif ketika diwawancara dalam program Sembang Online hari ini

KUALA LUMPUR 30 Sept. - Adik kepada Ahli Majlis Tertinggi UMNO yang kini ditahan reman oleh Suruhanjaya Pencegahan Rasuah Malaysia (SPRM), Datuk Seri Abdull Azeez Abdul Rahim kini disekat daripada melakukan perjalanan keluar negara.

Datuk Abdul Mutualif Abdul Rahim yang juga Ketua UMNO Bahagian Petaling Jaya berkata, beliau mengetahui sekatan tersebut pada 21 September lalu.

"Bila saya tanya apa sebab, oh atas keselamatan. Saya tidak tahu apa maksud keselamatan tersebut. Saya tidak tahu apa yang berlaku. Di mana kesalahan saya tidak tahu. Tiba-tiba kena sekat. Tiba-tiba itu tak boleh ini tak boleh."

"Saya nak beritahu kepada seluruh rakyat Malaysia, saya dan keluarga masih percaya wujudnya keluhuran undang-undang di negara kita. Itu saya percaya. Negara kita bagus, negara kita mempunyai undang-undang yang kuat, itu saya yakin. Tapi apa yang sebaliknya semua ini saya serah kepada Allah," kata Abdul Mutualif dalam program Sembang Online di Utusan Online sempena Perhimpunan Agung UMNO 2018 di sini hari ini.

Dua abang Abdul Mutualif iaitu Abdul Azeez dan Abdul Latif kini ditahan reman bagi sisatan kes rasuah. Kedua-dua mereka ditahan sejak Rabu lalu dan disambung sehingga 5 Oktober depan mengikut peruntukan 117 Kanun Acara Jenayah.

"Dari segi siasatan abang-abang saya memberikan kerjasama sepenuhnya. Bila dipanggil pada bila-bila masa beliau memberikan komitmen 100 peratus kepada SPMR dan sebagainya sejak empat bulan lalu.

"Tapi sedih sekali semalam beliau direman untuk enam hari. Minta tak perlu direman. Dari segi keselesaan mereka dilayan dengan baik oleh SPRM. Allahmdullilah," kata Abdul Mutalif.

Menurut Abdul Mutalif yang merupakan Perwakilan Perhimpunan Agung UMNO 2018, keluarga abang-abangnya menghadapi peristiwa tersebut dengan tabah.

Abdul Mutalif berkata, Abdul Azeez turut menyampaikan pesanan kepada ahli dan perwakilan UMNO agar jangan sekali-kali patah semangat dan terus setia kepada kepimpinan UMNO.